

THE DAYBREAK

“Wankantanhan Anpao kin hiyounhipi”—Luke 1: 78

WOKAJUJU 50 CENTS.

August, 1928

VOLUME XXXIX, NUMBER 5

BIRTHDAY OFFERINGS

Wicatonpi-anpetu Woŋnapi

De omaka kin wicatonpi-anpetu woŋnapi unkitawapi owasinna tukte ed ye kte cin he Mexico makoce kin en Hooker Owayawa kin hetu kta, qa hed tuwe un ece tka wan wowapi kin de kage.

Mitakodapi: Dehan oicamnayan wanke cin de tuwe wan Mexico makoce kin he kiksuyekiye kta wicotawacin wicaqu kin heca ŋni, eya cantewaŋteya heciya kici iciwanyakapi kte cinhan hehanyedan ikipi. Unkanpi kin detanhan itokaqa kin ektakiya anpetu tonana oicimani hehanyedan hed ojinjintka qa wahca toto qa ŋastan ko unkekecedan tanka on aconkaŋketonpi imahan tuwe icahda ya eŋta wanyaka okihi ŋni hehandya hea yanka ed ewacinpi otehika. He osmaka iyohi eceken wahohpi ohna wankapi iyecen otowwe eikeistinna kin hena yanke. Itehan wanyakapi kin ekta ti-onnaptan ska wiyakpakpa qa tice ŋaŋa kin eceedan qa Tipi Wakan ipasotka qa tiinkpamibe henana atanin. Tehantanhan kin eciyatanhan otowwe kin skaya he kin hecetu, tuka ed ipi kin hehan nina skaya wanke ŋni wan heca.

Hokŋidan eikeistinna kin uka giyedan, onzooge qa onhohda ptecedan eceedan un iyeyan inyan conkaŋke tiyopa tankinkinyan kin iheyanhan ahiyokasin unpi qa wicinyanna eikeistinna canhanpa codan, ŋina hdownpi, makanopiye yuha wopeton yapi, aguyapi qa waskuyeca qa tado akupi kta on yapi, ecin heciya anpetu wanjidan taku cinpi kin iyutadan ahdipte ece, woyute kin kate on tehan hnakapi eca ŋiea aya ece.

Conkaŋke kin akapatanhan winyan kin hena apa, taheyakepi, ŋieca wicayuhapi kin hena hdujajapi, otowwe kin ehna wakpadan eistinna kadus wanke cin apeda canpeŋkamakahde najinpi qa inyan kin akan heyake kpajajapi ece kin de eciyatanhan taheyakepi kin owa owanyagwaŋteŋte qa ska kicagapi, qa icahda can opamna akan pusa otkeya ekihnakapi ece.

Conkaŋke kin itimahed tipi skaska eikeistinna kin hena onŋikapi kin oti eca akantu kin peji on akalipapi, qa wijicapi eca makapan tiakalipa ŋaŋa unpi ece, qa ohinni iyagezizi can, minibobduyapi, qa zitkadan wicayuhapi kin dena conkaŋke kin awaŋte kta kage wacinpi kin iyeye picia. Wicaŋta onŋikapi hee cin hena anpaohotonna tawapi kin oiyang unpi ece, qa tuktektan tatokadan wan qaiŋ ŋonŋonna wan qaiŋ kukuŋe eŋta conkaŋke kin makikeeya nacankupi kin hena eceken ŋieca kin wanuyanpi kin ob ŋkatapi ece.

Wicinyanna tona Hooker Owayawa kin en wayawa hipi kin oun qa tipi deekceca etanhan upi, tuktektan woyute iciyohipi ŋni yukan qa ŋieca kin canhanpa nicapi kin ota, nakun hunkakepi hecen unpi kin yuke. Wicokaya kate wi kin owotanna wankan yanke cin hehan tuwedan wapaha codan tankata inapapi cinpi ŋni ece, maŋte ahdihanpi kta ikopapi kin heon, hantateyanyanpa, wicahpi kin ota, makoce kinhan wiciyokipi, tuka hanyetu kin dena ee hea wicaŋa kin ŋina eceedan yuhapi kin oikpemnpi qa makikeeya wankapi ece.

Kiktapi ecan omnica qa pejuta sapa qaiŋ mini piqa hecehnana hihanna woyute yutapi ece, oecon kin de hokŋipidan hehantanhan woyute ocaje kin de yuha icagapi.

Qa tuktektan woyute kin on wayazankapi ece. Heca wicalimungapi kta waeconpi iyecen wanapin kiunwicakiyapi, qa wanapin kin hena witka imahetanhan zi kin heca on apawintapi. qa tankan tate kapusya ewicahnakapi ece, ecin Iŋta Sice cin atonwan wicakuwa qa pejihuta okokipe on icieuwapi kta wan kiciyankapi. Wicinyanna kin onge eikeistinpidan qonhan token awanwicayakapi kte cin tuwedan hunkawicayapi kin owicakiyake ŋni kin heon tohanyan nipi kin hehanyan wicozani tawa kiunniwicayapi heca e Hooker Owayawa kin ed wayawa hipi kin ota.

Ohinnian wicinyanna kin Hooker Owayawa kin waŋtedakapi. Tuwe he cin kte ŋni he? Hanyetu eca owinja waŋte ohna wankapi, qa oihdujaja tipi kin iŋ mini kin iteca ohinnian wiyeya yanke. Tiyata kin ekta makikeeya wankapi qa wakpadan mini ŋni ece on ihdujajapi henana taku on tanyan unpi qa okiciwaŋtepi yuhapi kin hee. Wayawa-tipi kin den iyehca wahca okijupi witaya tapa ŋkatapi, dena tiyata yakonpi kinhan aguyapi kagapi qaiŋ hokŋiyopa awanwicayakapi ece econpi kta tka. Owayawa-tipi kin ed adiomanipi ohdakinyan tankinkinyan qa tiicahda pejitoto waŋte ojupi, qa ohna wayawapi kin okabdaya mahed unpi qa hed toked onnyanpi kte cin onspeiciyapi kin on tiyata kipi kinhan hena sanpa iyopta waonspekiyapi kta.

Wakanpi Owasin Taanpetupi kin he ohna Senorita Reyes tonpi anpetu tawa kin ehan ki; qa ŋieca eikeistinpidan owayawa hukuya ihankeya ekta yawapi kin owasin zaptan apa hehan Senorita Reyes yuonihanpi kta upi. Tuka “Nitonpi Anpetu Ehan Yaki Ican-temawaŋte” eyapi kin he ahiyayapi ŋni. Wayajo Oŋpaye hduhiyi qa “Hihanna Odowan Cistinna Kin” (Las Mananitas) eciyapi kin he ahiyayapi. Tohan tuwe tonpi anpetu ehan ki eca odowan kin deon Wayawa tipi ed unyakonpi kin unyuhicapi ece. Senorita Reyes, Hooker Owayawa kin etanhan woonspe ihunni, kin heca, Mexico wicinyanna waŋte kin heca. Cistinna ehantanhan Hooker Owayawa kin den omaka iyohi un, New York ekta Columbia woonspe-tipi wankantuya ekta un qonhan omaka wanji hduŋna, tka New York ekta wayawa kin he sanpa tanyan wayawicakiye kta cin kin on wayawa i. Dehan Hooker Owayawa kin en unma wicinyanna eikeistinpida hena tiyata kipi kinhan taoyatepi kin token tanyan onnyanpi kta iyeced waonspekiyapi kta onspewicakiye.

Senorita Reyes Christmas hde kte cin he hemani ohna, ŋonŋonna akan, qa onhanketa maka amaniyan kihunni kta. He ehna otowwe eistinna wan ekta ki kta. Otowwe kin caje hanske, oyakihi kinhan eced eya wo, Santa Maria Tlalmimilolpam eciyapi. Christmas can ehdepi ece kin eekiya makanjanjan tanka wan ataya wowapi ocaje obe ota on apiyapi qa waskuyeca, qa unma, qa cahanpiŋaŋadan on ojuyapi hed hnakapi. Hehan tuwe wan iŋta opta pahitapi qa cannaksa qupi qa wapi eca

makanjanjan kin apa kin on ihangya eca Wawicaupi eikeistinna qa taku waŋteŋte kin owasin hinhpaye cin he iyahna makikeeya kinieapi ece.

Qa can koka ohna hokŋiyopa ewicahnakapi kin heca minape kin isam tanka ŋni wan hed yanke kta. Itancan unyanpi Jesus okagapi wan mahen yanke kta, nakun Wicaŋta ksapa qa Witanŋna un kin, qa Joseph, dena iyahna ŋonŋonna qa talicaŋunkadan qa pte owicakagapi ko yuhapi kta. Qa otowwe kin etanhan ŋieca kin owasin taku okagapi kin dena apiyapi kta on mniwaticoge aupi kta qa Senorita Reyes (Hermelinda eya caje unyatapi) kin wowanyake eistinna oiyokipiya ekihdepi kin hehan Christmas wooyake kin owicakiyake kte a “Wicatonpi Anpetu” kin iwohdake kte.

ITANCAN unkitawapi tonpi anpetu kin he taku unqupi hecen kapi. Nitonpi anpetu kin he taku wicayaqu kta hecen kapi. Wanietu niŋakpe kinhan mazaŋadan ŋakpe ya hduu kta, hecanon kinhan Hooker Owayawa tipi kin ayutankapi kta cin ed makapan wanji iyoheyapi kta iyenakeca wawoyakiya yahdohi heca kta. Nitonpi anpetu on mazaŋadan ahi kin hena decen idagyapi kte. Wicinyanna wayawa upi cinpi tuka okanpi ŋni qon hena wayawa upi kte cin okihiwicayayapi kta nakun cantewaŋtewicayayapi wan heca kte. Dena iye taoyatepi kin waonspewicakiyapi kte qa tokata Mexico ŋieca icagapi kte cin winyan waŋteŋte ina wicayapi kte cin okihiwicayayapi kta.

Niyepi kin mazaŋadan mnayakiyapi kta on, qa Christmas wiciyckipi duhapi kta e cami. Hooker Owayawa en ehanna yewicaŋipi wanji miye.

PINE RIDGE

St. Mark's Chapel. June 14, 1927, heehan Mrs. Amy Steele, John Steele tawieu ŋa. Winohca kin le waniyetu 71, na omaka ota eciyatanhan Okolakiciye Wakan na Winyan-Omniciye kin opa.

CORN CREEK MISSION

May 3—7 heehan Gethsemane Chapel el Christian Unity Meeting yuhapi. Oinajin akewanji kin etanhan oyate el ipi, nakun anpetu kin lena eciyatanhan wocekiye na woglakapi ota yuhapi.

Anpetu Wakan hehan Wotapi Wakan kin 57 icupi. Hehan Cemetery ekta tuktel Cathechist waŋte wacinyepica qon Mr. Ellen Standing Bear woakipe ogua wanke qon he wocekiye econpi.

May 16—20 hena anpetu kin el Bishop Roberts Corn Creek Mission itimahel omani iconhan, May 19 hinhan el Trinity Chapel el wocekiye econ na hel wicayusutapi akewanji wicakiciyuŋtan, na el Tipi Wakan el Bishop oakanyanke wan Grace Little Crow he wicincala waŋte qon hekta 1927 el wiconi ayuŋtan na he wokiksuye egilepi. Heel Bishop yuwakan na on wowahokonkiye hanska ewicakiye, na Wotapi Wakan wicaqu.

May 20 Anpetu Wakan el Inestimable Gift Tipi Wakan yuwakanpi wocon kin he econ. J. P. Y.

ANPAO KIN (THE DAYBREAK)

SPRINGFIELD, - SO. DAK.

REV. JOHN K. BURLISON, Springfield, S. D. }
REV. PAUL H. BARBOUR, Springfield, S. D. } Editors.
REV. LEVI M. ROUILLARD, Rapid City, S. D. }
REV. JOHN FLOCKHART, Greenwood, S. D. } Business Manager.

THE DAYBREAK is published in the interest of the Protestant Episcopal Church among the Sioux Indians of the Northwest.

The subscription price is 50 cents per year, two years one dollar.

Wi akenonpa (one year) eca kašpapi zaptan kajujupi kta.

Wi wikcemna nonpa sanpa topa (two years) eca mazaska wanji kajujupi kta.

Money Order, Greenwood, S. D. on opeton-pi qaiš wowapi askape Rev. John Flockhart yekiyapi kta.

Printed at the office of the Santee N. T. S. Press, Santee, Nebr.

ENTERED at the Post Office at Santee, Neb., as second class matter, and accepted for mailing at special rate of postage provided for in Section 1103 Act of October 3, 1917, authorized May 17, 1920.

HOKSIYOPA WICAHAPI WOECON KIN

Woecon kin de Niobrara Deanery on akdihpeyapi qa unpi kta e Bishop kin iyowinwicakiya.

Wicaša Wakan kin wicatančan kin itkokiye qa he-tanhan itokam mani kta Tipi Wakan eka qaiš wicaknakapi kin eka, qa de eyin kta.

WOEKICETU qa Wiconi kin he miye, Itancan kin eya; tuwe wicamada kinhan tokelcin ta eša, ni kta; qa tuwe niun qa wicamada kinhan tohinni tin kte šni.

JESUS wicakico qa heya: Hokšiyopa en maupi kta iyowinwicakiya po, qa wicakišica-pi šni po; Wakantanka Tokiconze dececapi kin etanhanpi kin heon.

TAHCASKANA Awanwicayaka wan iye-cen Iye optaye tawa kin wonwicakiye kta; isto on tacincana mnawicakiye kta, qa maku okna wicakduhe kta.

Tohan Tipi Wakan timahen ipi kin hehan Psalm kin dena eyapi kta, qa Psalm otöiyohi ihanke kin en GLORIA PATRI eyapi kta.

Psalm 23. (Dakota Service Book, oyubdaye 133.)

Psalm 121. (Dakota Service Book, oyubdaye 149.)

Hehan woonspe kin de yawapi kta,

St. Matthew 18: 2-5 na oekde 10

De en cinpi kinhan Odowan wanji ahiyayapi kta; hehan Wicaša Wakan cin kinhan iyohakam wocekiye dena eyin kta, qaiš wowapi kin de en wocekiye kipi kin hetanhan tona cin kin koya eyin kta. Tokaheya heyin kta,

Itancan, onšiunda miye.

Christ, onšiunda miye.

Itancan, onšiunda miye.

Hehan wicaša Wakan qa omniciye eyapi kta,

ATE unyanpi, mahpiya eka nanke cin, Nicaje wakandapi nunwe. Nitokiconze u nunwe. Mahpiya eka nitawacin econpi kin, he iyeccen maka akan econpi nunwe. Anpetu iyohi aguyapi kin, anpetu kin de unqu miye. Qa tona ecinšniyan ecaunkiconpi wicunkicicajujupi kin, he iyeccen waunhitanipi kin unkicicajuju miye. Qa taku wawiyutanye cin eka unkayapi šni miye. Tuka taku šice cin etanhan eunkdaku miye. Amen.

Wicaša Wakan: Tona cante en eceepina kin, hena wicayawašepi kta;

Ayuptapi: Heon Wakantanka wanyakapi kta heon.

Wicaša Wakan: Itancan Caje kin yawašepi nunwe.

Ayuptapi: Detanhan tokatakiya maka owihanke wanin.

Wicaša Wakan: Itancan, ceunniciyapi kin nahon ye.

Ayuptapi: Qa hoyeunniciyapi kin iyakdei-piya ye.

O ATE waonsida kin, šiceca cikcistinna nitawa oknikdewicayapi kin mahpiya eka ohinniyan niite wanyakapi kin; Nitowacantkiye owihanke wanica woawanyake kin en, hokšiyopa nitawa kin de iyeccu kin, he awicakehan wicaundapi kta unqu miye; Jesus Christ Itancan unyanpi kin he eciyatanhan. Amen.

ATE iyotan wašaka qa waonsida kin, niye šiceca kin wokiconze nitawa kin en tiyopa kin ohinni yuhdowicayakikde cin; iyaonpepicadni unpi kin qa wowacinye owotanna tawapi kin iyeccen unkohanyapi kta e wowašte unqu miye, hecen tokša hena om yuwitaya nitokam wowiyuškin ota kin en inaunjinpi kta; Jesus Christ Itancan unyanpi kin he eciyatanhan. Amen.

JESUS Christ Itancan unyanpi towašte kin, qa Wakantanka towaštedake kin, qa Woniya Wakan taokodakiciye kin, unkiyepi owasin om ohinniyan un nunwe. Amen.

*

Tohan wicaknakapi kin en ipi, hehan de eyapi qaiš ahiyayapi kta,

JESUS Waonspewicakiye cin hewicakiye: Heon nakaha iyokišin yaunpi, tuka ake wanciyakapi kta, kinhan nicantepi kin wiyuškin kta qa widuškinpi kte cin he tuwena nicipi kte šni.

Wicalancan maka ahiyayapi icunhan Wicaša wakan kin heye kta,

JESUS Christ Itancan unyanpi kin eciyatanhan wiconi owihanke wanice en wicakini kte cin on woape wowicake qa wacinyepica kin en, hokšiyopa kin de tancan tawa kin maka kin eka eunknakapi. Itancan kin yawašte qa yuha nunwe; Itancan ite kin iyo-yamye, qa onšida nunwe; Itancan itoknake kin en ahitonwan qa wookiye qu nunwe, dehan qa ohinniyan.

Hehan de eyapi qaiš ahiyayapi kta,

HEON etanhan Wakantanka oiyotanke kin itokam unpi, qa Tipi Wakan Iye tawa kin okna anpetu hanyetu ko ohodapi ece; qa Tuwe oiyotanke kin akan kiyotanke cin he wicacokaya ounye kta.

Qa tohinni wotektedapi kte šni, qa ipuzapi kte šni, qa anpetu wi qa taku kata ašpanwicaye kte šni.

Tacincana kin oiyotanke cokaya un kin he, hena wonwicaye qa mnihdoka ni un kin ica-kda yus awicaye kta heon; qa hena istapi kin etanhan Wakantanka istamnihanpe kin owasin wicakipakinte kta.

Hehan Wicaša Wakan kin heye kta.

Itancan kin nicipi un nunwe.

Ayuptapi: Qa ninaği kin kici.

Ceunkiyapi kta.

WAKANTANKA, Nicinkši iyotan wašte kin, Iye isto kin on šiceca cikcistipina kin iwicacu qa wicayawašte qon; hokšiyopa naği kin de nitowaštedake qa woawanyake owihankešniyan kin en unničupi kta e wowašte unqu miye; qa owasin mahpiyata wokiconze nitawa kin en unkayapi kta iceunniciyapi; Nicinkši Jesus Itancan unyanpi kin hee eciyatanhan. Amen.

WAKANTANKA iyotan wašaka, Ateyapi waonsida kin qa wokicanpte owasin wicayaku kin; tona wašinkdapi owasin onšidaya owicayakihanye kta iceunniciyapi, heon wacinyan owasin awanicinpi kinhan nitowaštedake wokicanpte kin sdonyapi kta, Jesus Christ Itancan unyanpi kin he eciyatanhan. Amen.

WAKANTANKA iyotan wašaka, Ateyapi kin, qa Cinhintku kin, qa Woniya Wakan kin, niyawašepi qa niyuhapi nunwe, dehan qa ohinniyan. Amen.

¶ Maka en wicahapi kta taku tona eyapi kta kahniğapi kin tuktektan taku on hea hena Tipi Wakan en eyapi kta kipi kta seca kin on woiyowanye hea yukan hecinhan hehan woiyowinkkiye kta.

NIOBRARA CONVOCATION

Inyan Bosdata maka ohdaptapi imahen July 12-15, 1928 ehan Niobrara Convocation Omniciye tanka he Good Shepherd tipi wakan he cin oyanke hen mniciyapi. Mniciyapi icunhan anpetu waštešte, qa oiyokipiya wicota ahitipi.

Wicapi kin, winyanpi kin, qa Tecapi kin išnašnana mniciyapi. Wica mniciye yankapi en dena oitancan wicakalniğapi. Rev. Henry H. Whipple convocation itancan; Rev. Levi M. Rouillard wowapi kağa; qa Rev. John B. Clark convocation mazaska awanyaka. Rev. John Flockhart he ake Dakota wicašta wakan tamazaska awanyake kta kalniğapi. Rev. John Flockhart qa Rev. Paul H. Barbour henaos Anpao kin heon report kağapi. Mazaska awanyakapi hena report hdawapi qa committee iwanwicakiciyapi kin hecetu wicakicidapi ohdakapi. N. C. F. awanyake cin December 31, 1927 hehanyan on report kağa qa decen ohdaka, ieu kin \$2900.00 qa kajuju kin \$3983.81 hecen \$1083.81 henaheca oicazo hiyu oyaka. Anpao kin convocation iyohi eajeyatapi ecee kin ake econpi. De on committee wicakağapi qa dena eepi, Rev. Dallas Shaw, Isaac Grey Earth qa Daniel Red Buffalo. Token econpi iyececa pazopi kin, "Anpao kin de on Chapel owasin en tuwe awanyake kinhan he etanhan wicašta wanji qaiš nonpa ecen wicakalniğe kta qa dena Anpao kin wiyopeye kta (Subscription) qa nakun de September wi kin he en econpi kta qaiš tohantu wan mazaska ota sece kinhan icunhan kta. Anpao kin de tuwe opeton kte kinhan wancake hdajuju kta (Pay in advance.)

Mniciyapi hena en mazaska tonakenkenca hdohipi kin. Wicapi ahipi kin \$358.78 Winyan ahipi kin \$3235.45 qa Tecapi ahipi kin \$1158.34 qa ataya yuwitaya \$4752.57 henaheca. Mazaska ahipi kte kin dena owasinpi šni hecen ataya kinhan kektopawinge zaptan iyo-hi kta wan tanin.

Token Okodakiciye wakan sanpa wašake kta wicoowohdake waštešte iwohdakapi. Woa-wacin qa tuwewe iwohdakapi dena ee. "Okolakiye taku na woyuhagle" he Mr. W. D. Swain cajeyata. "Lakota oyate na Wobliheca" "Yewicašipi Wakiya Omniciye kin he taku he" henaos Dr. Ashley cajeyata.

Bishop Burleson qa Bishop Roberts napin omaka icunhan tawicohanpi tokaheya mniciyapi en ohdakapi.

Anpetu wakan ehan oiyokipiya wacekiyapi en Bishop Burleson koška nom wicašta wakan wicakağa qa hena deepi, Rev. Chester Red Kettle, Pine Ridge Corn Creek mission etanhan; qa Rev. Wallace Zephier, Yankton mission etanhan, dena owecinhan Rev. Dallas Shaw qa Rev. John Flockhart Bishop itokam wicahdohipi. Qa hitayetu en Dakota koška eya qa wašicun wan hecen Bishop Roberts Catechist wicakağa.

Tuka wanji Bishop yaotanin kin he. Wana Archdeacon kin nonpapi. Waziyatanhan Cheyenne River, Standing Rock, Sisseton qa Flandreau hena Archdeacon Ashley awanyake kta. Qa Pine Ridge, Rosebud, Lower Brule, Crow Creek, Yankton qa Santee hena is Archdeacon Frazier awanyake kta.

Convocation kin de taku woyušan hea wania. Tka ee woiyaksape wicoowohdake ota enapeyapi, token sanpa wawicašake kta on woonspe ota pazopi.

Qa tokata omaka kinhan convocation kin Rosebud mission en econpi kta hiyohipi qa wicauqi. L. M. R.

STANDING ROCK

Standing Rock Reserve el skaun tipi wakan wan Good Shepherd el Winyan Omniciye ohan waniyetu wikcemna tob ecel Julia Holy Medicine wacinyepica un qon he May 12, 1928 6: A M he icunhan maka wiconi kin ayušan na Paradise makoce el waakipe yankapi kin eka iyaye. May 13, 4: P M ehanl wicahapi woecon kin Rev. William Holmes na Rev. Joseph White Plume el unpi, wicaša opawinge nom ikiyela wicahapi woecon kin el unpi, ecin winyan wan wašte wocekiye el tanyan najin heca canke wicaša na winyan owasin lila woiyokišice yuhapi, le iyeceel winyan wacinyepica wanice cin on woiyokišice tanka. Le winyan kin oyanke iyohila omniciye tanka e kta kahniğ yešipi sa ca winyan na wicaša wakan tuwe keša iyuha slolyapi. A. D. E.

OKODAKICIYE WAKAN KIN

H. H. W.

Okodakiciye wakan tawicohan kin toked yutanka pica he? Tokaheya taku wanji tanyan sdodunyanpi kta iyeece kin he Okodakiciye wakan kin he taku kin. Christ tancan kin he niyepi, qa otoiyo hi huhu yecidukanpi. Qa iye tancan kin okodakiciye kin hee, qa pa kin he iye, Col. 1:18. Nakaha niyepi kin on etanhan makakije cin heon imduškin, qa Christ wokakije tawa, taku micelipi kin en yuſtanpi ſni kin hena iye tancan kin, okodakiciye kin hee, on weciyuſtan kta. Col. 1:24. Wowapi wakan oehde kin dena en Okodakiciye wakan kin he Jesus Christ tancan qa Pa kin he iye e yutanin. Nakun Niobrara wiwacawangapi kin he en Okodakiciye wakan kin he Wakantanka tokiconze kin maka akan un kin hee, he on Jesus Christ Pa kin he iye, qa tona Baptisma wicaqupi kin owasin opewicayapi.

Baptisma nqupi qonhan Okodakiciye wakan kin opeunyanpi. Heon Okodakiciye wakan onupapi kin on wocon unkitawapi kin he taku he? Okodakiciye wakan onupapi kin on wocon unkitawapi kin he waceunkiyapi kta, wicohan econqonpi kta, qa Christ tokicenze kin he icage, qa waſake kta iyecen unipi kta cin hena ee. Jesus Christ Wakantanka Cinhintku kin, Wakantanka tokiconze, Okodakiciye wakan kin he maka akan yuicage kta hi qon he taku tona econ.

Tokaheya; John Baptism wicaqu kin hecehnana wacali liewoska makoce ekta Jesus iyaye, qa heciya wicemna topa can Wocekiye on ihduwiyeya, qa oehake ekta wawiyutanye kin ktedan. Hetanhan hdi kin wacali otonwe iyotan tanka, qa tukted iyotan wicaſta ota unpi kin hed ye, qa hetanhan tokiconze kin kage ſni. Tuka tokaheya John Baptisma wicaqu kin iye waonspewicakiya nom, Iho taicincadan Wakantanka tawa kin hee ce eya ewicakipazo kin on iyeyapi. He etanhan Andrew iye cinyeku Peter ed ahi. Ihanhanna kin hehan Jesus, Philip wanyake qa mihakabu woeciye. Philip Nathaniel iyeye qa Jesus ed ahi. Wicaſta wanjidan Jesus iye wowahokonkiye iyotan waſte nahon ye kin he Nicodemus hee. Winyan wanjidan Jesus iye wiconi mini kin on wowahokonkiye iyotan waſte nahon ye kin he Samaria winyan kin hee. Hokuwa wicaſta tob wicakico, qa Matthew wamnayanpi wicohan etanhan kico. Heced Jesus wokiconze wan kage kte cin he en tona waonspewicakiye hecapi kte cin hena iyepi otoiyo hi taniyatayedan wicakico.

Inonpa kin: Jesus he wan ekta iyaye, qa hanyetu ataya wocekiye eye, qa hehan hdi qa Wahoſiye akenonpapi kin hena wicakahnige.

Iyamni kin: Jesus hanyetu wan ed wiyopeyapi, qa kſepi kte cin en can wojupi kin he

ed awicakehan wocekiye eye. Heced econ qa hehan icicu. Qa kſepi, qa anpetu iyamni kin hehan kini. Waonspewicakiye kin hena ed ihdutanin, qa hewicakiye, malpiya ekta qa maka akan wowaſake ataya maqupi. Heon etanhan ya po, oyate kin owasin waonspewicakiya po, qa Ateyapi kin, qa Cinhintku kin, qa Woniya Wakan kin caje on Baptisma wicaqu po; Qa taku tona econciſipi kin owasin yuhapi kta e onspewicakiya po. Unkan iho anpetu owasin cicipi waun, maka owihanke kin hehanyan. Jesus Christ he Okodakiciye Wakan kin en Pa kin he iye, heon pa kin he toked econ kin he ohna iſ eya opapi kin owasin econpi kta.

Tokaheya. Jesus wocekiye on ihduwakan qa hehan wicaſta taniyatayedan wicakico, heon waonspewicakiye kin iſ eya iyecen econpi. Andrew iye cinyeku hee cin he ed ahi. Philip takodaku Nathaniel ed ahi. Opa wan iye tokaheya ihduwakan kta, qa hehan iye tawicu, cinca, titakuye, takodaku, qa hehan wicaſta tokanpi kin ed awicahi kta, qa heced econ kinhan.

Inonpa Jesus toked econ kin iyecen econ kta. Jesus hanyetu ataya wocekiye eye, qa hehan wahoſiye akenonpapi kin wicakahnige. Unkan opa wan iye qa tiwahe tawa, titakuye, takodaku, qa wicaſta tokanpi kin ed awicahi kin heon wocekiye ohna hena wacinyanpi tiyohnaka kin ed wicakahnigapi kta qa hute oahde otancanke cin ed ewicahdepi kta.

Iyamni kin Wicaſta Cinhintku kin hee kaeſ waokiyapi kta hi ſni, tuka waowicakiye kta qa wicota opewicakiton kta on wiconi tawa elpeye kta on hi. St. Mark 10:45. Tuwe takuwicaye cin on wiconi elpekiye cinhan, he woſte kin tuwedan kapeye ſni. St. Jno. 15:13.

Tuka Okodakiciye wakan kin waſake ſni qa taku on hececa kin he opapi kin hanke isanpa hena tohinni taniyatayedan wocekiye eyapi ſni, qa tiwahe wocekiye wanice, wotapi wocekiye wanice, qa tipi wakan en wacekiye yapi ſni, nakun wacekiye ipi keſ tohinni waceiciyapi ſni, qa Wotapi Wakan icupi ſni, qaiſ icupi keſ ihduwiyeya wocekiye on econpi ſni ece, Wowapi Wakan kin yawapi ſni, Christian oni kin ohna nipi ſni heon waſakapi ſni, tuka okodakiciye wakan towaſake kin ohiniyan ed yanke.

Christ etanhan wanji anpetu otoiyo hi iſnana qa tiwahe tawa ob; qa nakun anpetu wakan iyohi Tipiwakan en, qa tohantu kaſta Wakantanka kici un kta tawacin hecinhan hehan cekiye kta.

Wotapi wakan kin en wiconi wawicaqupi he Christ towiconi kin he. Tuwe micelipi etanhan yute qa mawe yatke cinhan owihanke wanin wiconi yuha ece, qa anpetu ihankeya kin en piya icahwaye kta. S. John, 6: 54. Wowapi Wakan kin he anpetu iyohi yawapi kta, qa he on Wakantanka tawacin kin sdod-yapi, qa taku econpi kta iyeece cin hena eced econpi kta. Wowake qeya Jesus Christ iye Okodakiciye wakan tawa kin yutankapi qa yuicagapi kta wicaſta wicaqu kin he Wocekiye, wakiconzapi, qa Wowapi Wakan, hena ee.

NOTICE—Special Offer! Make Money for your Women's Society or Brotherhood! Get Subscriptions to Anpao.


For every Ten Subscriptions you get for Anpao Kin, for which you will receive Five Dollars, send to Mr. Flockhart the list of ten names, with only Four Dollars, and keep the other Dollar for the use of your Society. In this way you will help both Anpao and yourself.

Boys' School

MISSION, S. D.

“HOKSINA WAYAWA
TIPI TECA KIN,

Hoksidan nitawa kin wayawa tipi kin de en wayawa kta yacin kinhan, Rev Robert Frazier Mission, S. D. he wawapi yaqu kta.



Okolakiciye Wakan kin on Wawicawangapi kin

WOONSPE IWIKCEMNA TOPA
SANPA YAMNI

Easter itokab itayetu-nakun

W. Anpetu ehake ſakpe el Saturday kin icunhan Jesus toki un he.

A. Tancan kin he Joseph ognakapi tawa kin el un, na naſi kin he Paradise el un.

W. Iyehan Christ toki un ca St. Peter tokel eya he.

A. He “wicacelipi kicun kſepi, tka Woniya kin on kiniyanpi, nakun heon ekta ye ca wicanagi wicakaſka tipi ogna yankapi kin hena wowicakiyaka”.

W. “Anpetu kin le wowaſte makoce kin el mici yaun kta”, Jesus wamanon sa iyopeiciye eciye ciquon he taku yutanin he.

A. Toki owotanpila naſipi ekta unpi kin he Jesus ounye kin ekta ye, na iyopeiciye cin he iſ eya opekiyapi ca tanin.

W. Ounye kin he Jesus tokel cajeyata he.

A. “Paradise” na “Abraham maku kin,” (Lukas 16: 22, na 23: 43.)

W. Ounye kin he malpiya ee ſni taku on slolunyanpi he.

A. Icin Itancanunyanpi kin kini obakab, Mary Magdalene eciye, “ignuhala emayalutan kin; nahahei Ate ekta wagle ſni ce” eya. (John 20:17.)

W. Wakanpi ſapi kin nahahei malpiyata hipi ſni kin on Christ tokel waayatanin he.

A. “Nahahei tuweni malpiya ekta i ſni” eya.

W. Wahoſiye ohanyanpi qon Wico. 2 na o. 34 etanhan, hecel Jesus onspewicakiya oyaka ye.

A. “David he qe malpiya ekta wankan iyaye ſni” eyapi.

W. Le eciyatanhan on taku unkonspepi he.

A. Ounye wan (malpiya ee ſni) yukan hel wicanagi ekta yapi na woyasu anpetu kin he ape unpi ca unkonspepi.

Wakanpi ekta unpi kin

W. Wowahokiciye teca kin Greek iapi kin ogna kagapi kin he, wanaſi ekta unpi kin, he tokel eyapi he.

A. He “Hades” eyapi, na ounye kin he toki wicanagi oyasin ekta yapi, na woekicetu apepi icunhan tokata wokakije naiſ woſte yuhapi kte cin itokab utapi.

W. Waſicun Wowapi Wakan kin el tokel Hades ieskapi he.

A. He wicoie wan “Hell” eyapi, na hecel ieskapi qon wicoie kin he oyanke wan “akalipapi, nahmala, naiſ wanyagpica ſni” he kapi, hecel wicoie kin he Hades yuieska kte cin kipi.

W. Wahoſiye Tawowicala kin el tokiya Christ hi eyapi he.

A. He kuya Hades (hell) ekta i eyapi, na Wocekiye wowapi kin he, wicanagi ekta yapi eyapi kin he woeye iakilececa eya.

W. Christ icipaweli okatanpi na kini kin iyokogna, David toie qon. Christ eekiya eyapi kin he tukte he.

A. “Minagi kin he Hades ekta ehpeyayaye ſni” eyapi kin he.

W. Iyunkan David tokel ke cin St. Peter eya he.

A. “He wicaſa wokean kin heca, na Christ ekietuyapi kin he cajeyate, naſi kin hades ekta ehpekiyapi (yuſtanpi) ſni.”

W. Christ Hades ekta i kin on woonspe kin he on wicaſa tokae nakun kapi he.

A. Wowapi Wakan iapi tani kin etanhan wicoie nonpa yuke cin nopin wicoie wanjila on yuieskapi kin heon.

W. Wicoie henaos tokel eyapi he.

Continued on Next Page

Continued from Page 15

Continued next month